

Euskal AEko bioteknologiako I+G gastua %20,7 gehitu da 2018an

Bioteknologiako I+G gastua I+G gastu osoaren %7,9 da; Administrazio Publikoak %51,7 finantzatzen du

Eustaten datuen arabera, 2018an Euskal AEko barneko I+G gastua bioteknologiarekin erlazionatutako jardueretan 112,5 milioi eurokoa izan zen, 2017an baino %20,7 gehiago. Gastu hori izan zen barneko I+G gastu osoaren %7,9.

Langile enplegatuak 2.237 izan ziren. DOBn (Dedikazio Osoko Baliokidetzan) 1.442 pertsona izan ziren, I+Gra bideraturiko DOB langileen %7,5. Datu horiek, hala bioteknologiako gastuan nola DOBn aritzen den langile-kopuruan, serie historikoaren altuenak dira.

DOBko langileen kopurua %7,2 igo zen aurreko urtearekin alderatuta, eta ikertzaileak, berriz, 1.088 pertsona izan ziren DOBn, eta, kasu horretan, %5,5 hazi zen kopuru hori.

Aurreko urteetan bezalaxe, emakume ugari daude I+G adar horretan, bioteknologian lanaldi osoan aritu zirenen %57,5 2018an.

89 erakundek, horietatik 84 enpresa, bioteknologiako ikerketa-jarduerak egin zituzten 2018an. Gainera, guztizko horretatik 70ek barneko I+G gastuaren erdia baino gehiago bioteknologia bideratu zuten.

Bioteknologiako barneko I+G gastuaren %66,2 Enpresen sektoreak egiten du.

Aurreko urteetan bezala, Enpresen sektorea da bioteknologiako barneko I+G jardueretan egindako guztizko gastuaren ehuneko handiena duena (%66,2), eta proportzio hori 2017koa (%63,0) baino portzentajezko 3,2 puntu handiagoa da.

Bestalde, Goi-mailako Irakaskuntzak (%28,3) eta Administrazio Publikoak (%5,5) egikaritu dute 2018ko gainerako gastuaren %33,8a; portzentaje hori %37,0koa izan zen 2017an.

Bioteknologiako barneko I+G: gastuaren eta langileen bilakaera (DOB) Euskal AEn. 2007-2018

	2007	2008	2009	2010	2011	2012	2013	2014	2015	2016	2017	2018
Barneko I+Gko gastuak												
Guztira (mila eurotan)	80.842	91.583	80.557	87.401	85.941	85.646	92.042	86.677	85.691	84.690	93.221	112.534
Urteko Gehikuntza (%)		13,3	-12,0	8,5	-1,7	-0,3	7,5	-5,8	-1,1	-1,2	10,1	20,7
Langileak (DOB)												
Guztira	779,2	826,8	898,9	1.027,3	1.032,9	1.081,8	1.182,9	1.183,7	1.255,5	1.234,8	1.345,5	1.442,1
Urteko Gehikuntza (%)		6,1	8,7	14,3	0,5	4,7	9,3	0,1	6,1	-1,6	9,0	7,2
Ikertzaileak (DOB)												
Guztira	640,6	679,9	739,7	797,0	752,6	809,8	903,3	909,3	977,0	964,5	1.031,0	1.087,7
Urteko Gehikuntza (%)		6,1	8,8	7,7	-5,6	7,6	11,5	0,6	7,4	-1,3	6,9	5,5

DOB= Dedikazio osoko baliokidetzak

Iturria: Eustat. Bioteknologiako I+Gren estatistika

Administrazio publikoak bioteknologiako barneko I+Gren %51,7 finantzatu zuen


Funtsen jatorriarren arabera, bioteknologiarekin lotutako barneko I+G jarduerak, 2018an, Administrazio Publikoak (%51,7) eta Enpresek (%35,9) finantzatu zituzten nagusiki. Gainerakoa, Atzerriko funtsek (%9,3), Goi-mailako Irakaskuntzak (%2,3) eta Irabazi asmorik gabeko erakunde pribatuak (%0,8).

Bioteknologia-ikerkuntzatik lortutako produktuak, batez ere, Giza Osasunean (%77,7) eta Elikaduran (%8,2) aplikatzen dira. Gainerako arloetan banatzen da beste %14,1a, antzeko portzentajeekin: Ingurumena, Animalien osasuna eta akuikultura, Industria eta Nekazaritza eta baso-produkzioa.

Kapitalerako sarbidea eta Denbora/kostua dira bioteknologian barneko I+G jarduerak garatzeko oztopo nagusiak

Azkenik, bioteknologiako ikerketa- eta garapen-jarduerak 2018an aurrera egitea zaildu duten oztopoen pertzepzioa mantentzen da. Oztopo nagusiak Kapitalerako sarbidea eta Denbora/kostua erlazioa dira, %90 eta %87, hurrenez hurren. Arautze-betekizunak hirugarren tokian dira, %78rekin.

Bioteknologiako I+G garatzeko oztopoak (%). 2018



Iturria: Eustat. Bioteknologiako I+Gren estatistika

Informazio gehiagorako:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1 01010 Vitoria-Gasteiz

Prentsa-zerbitzua: servicioprensa@eustat.es Tlf: 945 01 75 62